

生西寶筏



正好念佛

蓮池大師文抄

三寶弟子恭印

Figure 1. The structure of the proposed system.

三寶弟子恭印

阿彌陀佛四十八大願

無量壽莊嚴清淨平等覺經

發大誓願第六

法藏白言。唯願世尊。大慈聽察。

我若證得無上菩提。成正覺已。所居佛剎。具足無量不可思議功德莊嚴。無有地獄。餓鬼。禽獸。蜎飛蠕動之類。所有一切眾生。以及焰摩羅界。三惡道中。來生我剎。受我法化。悉成阿耨多羅三藐三菩提。不復更墮惡趣。得是願。乃作佛。不得是願。不取無上正覺。

一、國無惡道願。
二、不墮惡趣願。

我作佛時。十方世界。所有眾生。令生我剎。皆具紫磨真金色身。三十二種。大丈夫相。端正淨潔。悉同一類。若形貌差別。有好醜者。不取正覺。

三、身悉金色願。四、三十二相願。
五、身無差別願。

我作佛時。所有眾生。生我國者。自知無量劫時宿命。所作善惡。皆能洞視。徹聽。知十方去來現在之事。不得是願。

不取正覺。

六、宿命通願。七、天眼通願。八、天耳通願。

我作佛時。所有眾生。生我國者。皆得他心智通。若不悉知億那由他百千佛剎。眾生心念者。不取正覺。

九、他心通願。

我作佛時。所有眾生。生我國者。皆得神通自在。波羅密多。於一念頃。不能超過億那由他百千佛剎。周徧巡歷供養

諸佛者。不取正覺。

十、神足通願。十一、徧供諸佛願。

我作佛時。所有眾生。生我國者。遠離分別。諸根寂靜。若不決定成等正覺。證大涅槃者。不取正覺。

十二、定成正覺願。

我作佛時。光明無量。普照十方。絕勝諸佛。勝於日月之明。千萬億倍。若有眾生。見我光明。照觸其身。莫不安樂。慈心作善。來生我國。若不爾者。不取正覺。

十三、光明無量願。十四、觸光安樂願。

我作佛時。壽命無量。國中聲聞天人無數。壽命亦皆無量。假令三千大千世界眾生。悉成緣覺。於百千劫。悉共計校。

若能知其量數者。不取正覺。

十五、壽命無量願。
十六、聲聞無數願。

我作佛時。十方世界無量剎中。無數諸佛。若不共稱嘆我名。說我功德國土之善者。不取正覺。

十七、諸佛稱嘆願。

我作佛時。十方眾生。聞我名號。至心信樂。所有善根。心回向。願生我國。乃至十念。若不生者。不取正覺。唯除五逆。誹謗正法。

十八、十念必生願。

我作佛時。十方眾生。聞我名號。發菩提心。修諸功德。奉行六波羅密。堅固不退。復以善根迴向。願生我國。一心念我。晝夜不斷。臨壽終時。我與諸菩薩眾迎現其前。經須臾間。即生我剎。作阿惟越致菩薩。不得是願。不取正覺。

十九、聞名發心願。
二十、臨終接引願。

我作佛時。十方眾生。聞我名號。繫念我國。發菩提心。堅固不退。植眾德本。至心迴向。欲生極樂。無不遂者。若有宿惡。聞我名字。即自悔過。爲道作善。便持經戒。願生我刹。命終不復更三惡道。即生我國。若不爾者。不取正覺。

二十一、悔過得生願。

我作佛時。國無婦女。若有女人。聞我名字。得清淨信。發菩提心。厭患女身。願生我國。命終即化男子。來我刹土。十方世界諸眾生類。生我國者。皆於七寶池蓮華中化生。若不爾者。不取正覺。

二十二、國無女人願。二十三、厭女轉男願。二十四、蓮華化生願。

我作佛時。十方眾生。聞我名字。歡喜信樂。禮拜歸命。以清淨心。修菩薩行。諸天世人。莫不致敬。若聞我名。壽終之後。生尊貴家。諸根無缺。常修殊勝梵行。若不爾者。不取正覺。

二十五、天人禮敬願。二十六、聞名得福願。二十七、修殊勝行願。

我作佛時。國中無不善名。所有眾生。生我國者。皆同一心。住於定聚。永離熱惱。心得清涼。所受快樂。猶如漏盡比丘。若起想念。貪計身者。不取正覺。二十八、國無不善願。二十九、住正定聚願。

三十、樂如漏盡願。三十一、不貪計身願。

我作佛時。生我國者。善根無量。皆得金剛那羅延身。堅固之力。身頂皆有光明照耀。成就一切智慧。獲得無邊辯才。善談諸法秘要。說經行道。語如鐘聲。若不爾者。不取正覺。三十二、那羅延身願。三十三、光明慧辯願。三十四、善談法要願。

我作佛時。所有眾生。生我國者。究竟必至一生補處。除其本願爲眾生故。被弘誓鎧。教化一切有情。皆發信心。修菩提行。行普賢道。雖生他方世界。永離惡趣。或樂說法。或樂聽法。或現神足。隨意修習。無不圓滿。若不爾者。不取正覺。三十五、一生補處願。三十六、教化隨意願。

我作佛時。生我國者。所須飲食。衣服。種種供具。隨意即至。無不滿願。十方諸佛。應念受其供養。若不爾者。不取正覺。三十七、衣食自至願。三十八、應念受供願。

我作佛時。國中萬物。嚴淨。光麗。形色殊特。窮微極妙。無能稱量。其諸眾生。雖具天眼。有能辨其形色。光相。名數。及總宣說者。不取正覺。三十九、莊嚴無盡願。

我作佛時。國中無量色樹。高或百千由旬。道場樹高。四百萬里。諸菩薩中。雖有善根劣者。亦能了知。欲見諸佛淨國莊嚴。悉於寶樹間見。猶如明鏡。睹其面像。若不爾者。不取正覺。四十、無量色樹願。四十一、樹現佛剎願。

我作佛時。所居佛剎。廣博嚴淨。光瑩如鏡。徹照十方無量無數。不可思議。諸佛世界。眾生覩者。生希有心。若不爾者。不取正覺。四十二、徹照十方願。

我作佛時。下從地際。上至虛空。宮殿。樓觀。池流。華樹。國土所有一切萬物。皆以無量寶香合成。其香普熏十方世界。眾生聞者。皆修佛行。若不爾者。不取正覺。四十三、寶香普熏願。我作佛時。十方佛刹。諸菩薩眾。聞我名已。皆悉逮得清淨。解脫。普等。三昧。諸深總持。住三摩地。至於成佛。定中常供無量無邊一切諸佛。不失定意。若不爾者。不取正覺。四十四、普等三昧願。四十五、定中供佛願。

我作佛時。他方世界諸菩薩眾。聞我名者。證離生法。獲陀羅尼。清淨歡喜。得平等住。修菩薩行。具足德本。應時不獲一二三忍。於諸佛法。不能現證不退轉者。不取正覺。

四十六、獲陀羅尼願。四十七、聞名得忍願。四十八、現證不退願。

菩薩戒弟子鄆城夏蓮居

法名 慈濟

會集各譯

敬分 章次

大佛頂首楞嚴經大勢至菩薩念佛圓通章

唐天竺沙門般刺密諦譯

大勢至法王子。與其同倫五十二菩薩。即從座起。頂禮佛足。而白佛言。我憶往昔恆河沙劫。有佛出世。名無量光。十二如來。相繼一劫。其最後佛。名超日月光。彼佛教我念佛三昧。譬如有人。一專爲憶。一人專忘。如是二人。若逢不逢。或見非見。二人相憶。二憶念深。如是乃至從生至生。同於形影。不相乖異。十方如來。憐念眾生。如母憶子。若子逃逝。雖憶何爲。子若憶母。如母憶時。母子歷生。不相違遠。若眾生心。憶佛念佛。現前當來。必定見佛。去佛不遠。不假方便。自得心開。如染香人。身有香氣。此則名曰香光莊嚴。我本因地。以念佛心。入無生忍。今於此界。攝念佛人。歸於淨土。佛問圓通。我無選擇。都攝六根。淨念相繼。得三摩地。斯爲第一。

大佛頂首楞嚴經大勢至菩薩念佛圓通章

自序

彌陀要解云：「阿彌陀佛是萬德洪名，以名召德，罄無不盡。」故即以執持名號爲正行，不必更涉參究、觀想等行，至簡至直捷也！十方廣長同聲勸讚，悉皆爲此，卻被後世好修雜業者反說爲難極難極。念佛之法，超過一切法門！一作難會，便與一切法門無異。徹底悲心，無問自說亦平常矣；廣長舌相，同聲勸讚亦等閒矣；六八大願、九品普收亦無功矣。是故，有說——念佛定要靜境；有說——念佛定要參誰；有說——念佛定要除妄；有說——念佛定要一心，若不如是，必難往生！——如是之說，豈非將一條徑直之路弄成彎彎曲曲；將九品普度之門閉得密密縫縫，逆惡之人，十念善生；何況畢命爲期、老老實實、記數念佛者，豈有不生西方之理耶！？念

佛法門，簡易直捷；譬如一段圓木，送在江中必定流入大海；忽然被人外加四枚大釘，豈不東罣西礙，決定不能到海；以四種難法，壓退老實念佛者不能往生，亦復如是，豈不悲哉！是故敬遵善導和尚百即百生之專修，永明禪師萬修萬去之料簡，及靈峰堅密諸大祖師念佛之要旨，而說四大要訣也。

念佛四大要訣序

余始觀內典，即知淨土是實非權！雖嘗旁涉宗門，然深信永明禪師之語：「有禪不可無淨土，有淨土不必有禪」。獨恨方爲塵纒所縛，不得靜境、不斷妄想、不能一心。悠忽至今，徒具欣厭而已。茲讀戀西大師念佛四大要訣，歡喜踴躍，不啻如貧人之獲寶也！戀師先有淨土隨學、淨業痛策兩書，所舉嬰兒墮水呼母之喻，適與余合；而此書不貪靜境、不除妄想、不求一心者，尤爲指迷之要津、治病之真藥，深霑法乳，爲靡盡矣！

嘗觀娑婆眾生：顛倒夢想，膠擾塵勞、流轉諸趣、認賊作子，忽然遇大善知識教以念佛，一日持誦，即自念曰：「我多妄想、多散亂！」嗟乎！向不自知其妄，而今知之；向不自知其亂，而今知

之；即此自知之心，謂非念佛之力所攝乎！？從此直下功夫、念念不斷、轉妄爲真、拯亂以一、至圓至頓、無二無三；即使朝聞夕死，猶必見佛開悟；若乃自諉妄亂、輒生懈怠，如入寶山、忽復劫走；如獲衣珠、忽復捨棄，豈不深可哀哉！？豈不深可惜哉！？戀師一片血誠，句句真實！知凡讀是書者，亦必如余之歡喜信受也！

光緒七年秋七月 復安學人朱福撰序

一、本 論

念佛四大要訣者：

第一、不貪靜境；

第二、不參是誰；

第三、不除妄想；

第四、不求一心。

只要至誠懇切，每日限定多少數，念到死，必定往生西方！當知每日限定多少數、念到死，即是至誠懇切，方可報答：六方諸佛勤讚護念之恩；釋迦本師惡世說法之恩；阿彌陀佛大願普度之恩！今人念佛，無此四訣，必定念不成功：

一貪靜境，必定以輕安靜坐爲奇特，極力持名爲平常；

一參是誰，必定以開悟聰明爲奇特，見佛往生爲平常；
一除妄想，必定以別法巧念爲奇特，老實記數爲平常；
一求一心，必定以一心不亂爲奇特，開口散念爲平常。
以正爲邪、以非爲是，豈不顛倒之至！此四大病，稍有犯之，必難往生。

1. 不求一心者——

疑問云：「一心不亂，是彌陀經所說；開口散念，是祖師所呵！何謂以正爲邪、以非爲是耶？」

答曰：「可惜汝未曾久常念佛，若久常念佛，必知一心不亂定從散念做成，豈可爲平常？若不先從散念，焉能成就一心？散念之人，果能久常不退，自然成一心！譬如儒士許人先成文章，不許人

讀書，豈非以正爲邪、以非爲是乎！不讀書焉能成文章？果肯讀書，自然成文章。譬如學藝，從生至熟，乃至熟能生巧，無不皆從肯學而成。散念定數，尚不肯學，何能便成一心不亂！隨學所謂：「樹無根而欲茂，鳥無翼而欲飛」是也，願深思之！願深思之！

每聞他師先將一心不亂打退多少信心學者，都說：今生做不到，西方也不想！總因說法不知難易故也：散念爲易，一心爲難！——豈非狂談也哉？

2. 不除妄想者——

妄想是意地之法，果位聖人尚難斷除，何況凡夫！豈能先斷妄想？故我偈云——

感佛深恩誦佛名，不修妙觀不參心；